

Uunga siunnersuut: Avatangiisinut aningaasaateqarfik pillugu Inatsisartut inatsisissaat nr. xx, xx. xxx 2018-imeersoq

(Naalakkersuisut Siulittaasuat)

Saqqummiussissut

(Naalakkersuisut Siulittaasuat)

Siullermeerineq

Naalakkersuisut inatsisissatut siunnersuummi matumani Avatangiisinut aningaasaateqarfimmik pilersitsiniarput, taamaalilluni avatangiisinut suliassa qarfiup malunnaatiliimmik pitsanngorsaaviginissaa akissaqartinneqalissalluni. Ukiuni kingullerni avatangiisinut suliassa qarfimmil arlallitsigut pitsanngorsaasoqareerpoq innuttaasunut minnerunngitsumillu kinguaassatsinnut nuannaarutaaqisumik, oqarsinnaavugullu avatangiisit pitsaasut peqqinnartullu qulakkeerniarlugit sulinerput ilorraap tungaanut maanna ingerlasoq. Kisianni suli avatangiisinut suliassa qarfimmil arlallitsigut anigornia gassaqarpugut, iluarsiiinissamullu annertunerusunik aningaasassa qarnissaq pisariaqarpoq.

Avatangiisinut akitsuutit avatangiisini pitsanngorsaaneermut atugassanngorlugit immikkoortinnersinnaassapput. Innuttaasunut suliffe qarfinnullu ersarissuussaaq avatangiisinut akitsuutit Avatangiisinut aningaasaateqarfimmut tutsinneqassasut, tamatumalu kingorna avatangiisini pitsanngorsaaneermut atorneqassasut. Tamanna 'mingutsitsisup akiliinissaanut' tunngaviusumik isummamut Kalaallit Nunaanni nunanilu tamalaani avatangiisinut inatsisini tunngaviusumik tunaartarineqartartumut naapertuuppoq.

Avatangiisinut aningaasaateqarfiup avatangiisinut akitsuutinit aningaasalersorneqarnera avatangiisinut mingutsitsinnginnerusumik pissusilersortalernissatsinnut sunnee qataasussaavoq. Taamaalilluni avatangiisinut politikki akitsuutit eqqunneqarsinnaassapput, pissutigalugu tamatumani tunisassianik avatangiisinut ajoqusiinnaasunik ujartuineq annikillisinneqassammat, peqatigisaanik pissusissamisoornekusumik eqqagassanik passussisalermissamut tamanna kajumissuseqalersitsissalluni, eqqagassallu amerlanerit avatangiisinut isumannaatsumik iginneqartalissallutik. Inuiaqatigiittut kinguaassatsinnut, avatangiisinik pinngortitamillu ingerlatitseqqitussanut, akisussaaffeqarpugut. Taamaattumik piviusumik pitsanngorsaaneermissamut aningaasassa qarnissaq qulakkeerneqassaaq.

Avatangiisini ajornartorsiutit aalajangersimasut, Avatangiisinut aningaasaateqarfimmil iluarsii-geqattaarfigineqartussat assersuutigalugit tassaapput: ikuallaavinnik aamma anartarfileriffinnik pilersitsineq aamma nutarterineq, eqqakkanik inissiarfinnik nakkutigisaasunik pilersitsineq, qamutunik motoorilinnik atorsinnaajunnaartunik passussineq, suliffe qarfiit, sullissiviit, inissiat eqqaanni imaluunniit nunaannarmi eqqagassat, angallatit qimaannakkat, aalisakkanut qassutit igitat, aalisariartarfinni piniariartarfinnilu eqqiluitsuutitsineq kiisalu innuttaasut suliffe qarfiillu isumalluutininik eqqumaffiginnillutik pissusilersornissaannik ajornarunnaarsitsineq.

Siunnersuutip tamanut ammasumik tusarniaassutigineqarnera oqartussanit aamma inuussutissarsiortunit pitsaasumik tigulluarneqarpoq. Avatangiisit minguinnersut avatangiisiupput peqqinnarnerusut, innuttaasunut tikeraartutsinnullu kajumilersitsisusar.

Aningaasaat Avatangiisinut aningaasaateqarfimmut ikineqartut avatangiisinut akitsuutinik nutaanik akiliisitsinissamut inatsimmi tunngavissaliisarneq ilutigalugu amerliartussasut naatsorsuutigineqarpoq. Taamaattumik avatangiisiini ajornartorsiutit iluarsiviginissaannut avatangiisinut akitsuutit nutaat akuerineqarpata, taakkua ingerlaavartumik iliuuseqarfigineqartassapput. Taamaattoq innuttaasut suliffeqarfillu ataasiakkaat pinngortitap nunattalu paarilluarnissaannut akisussaaffeqarnerat Avatangiisinut aningaasaateqarfiup atorunnaarsissanngilaa. Paarlattuanik immitsinnut piunarsaqarfiginerulissaagut, atuisorlu suliffeqarfilluunniit imaluunniit pisortat avatangiisinik atuippata, salinissaq qulakkeerniarlugu annikitsumik akileeqataasoqartassaaq – taamaattumik avatangiisinut aningaasaateqarfimmik pilersitsisoqassaaq.

Taamatut Naalakkersuisut siunnersuutip Inatsisartuni kajumittumik suliarineqarnissaa inassutigaaq.